

Samningur

mennta- og menningarmálaráðuneytis við Samtök um danshús um ráðstöfun styrktarframlags

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og Samtök um danshús, kt. 560710-0700, í samningi þessum nefnt samtök, gera með sér svofelldan samning.

1. Markmið og starfsemi

1.1. Meginmarkmið með samningi þessum eru að:

- Að þróa og kynna hugmyndafræði um danshús
- Að vinna að stofnun Danshúss á Íslandi
- Að mæta þörfum sjálfstætt starfandi dansara, danshöfunda og annarra sem starfa innan dansheimsins á Íslandi og efla atvinnustarfsemi í dansi
- Að styðja við og styrkja íslenskt danslíf, tengja saman ólíka hópa innanlands og fá í heimsókn erlenda listamenn.

1.2. Starfsemi

- Samtök um Danshús reka Dansverkstæðið - vinnustofur dansara
- Dansverkstæðið er með tvo danssali sem leigðir eru á hagstæðu verði til dans- og sviðslistamanna
- Dansverkstæðið býður upp á vinnustofur og skipuleggur morguntíma fyrir sviðslistafólk
- Dansverkstæðið stendur fyrir námskeiðum fyrir fagfólk í sviðslistum
- Dansverkstæðið heldur viðburði sem að stuðla að því að nýjir hópar í samfélaginu kynnist danslistinni
- Dansverkstæðið tekur þátt í alþjóðlegu samstarfi sem eykur sýnileika og atvinnutækifæri íslenskra listamanna erlendis.

2. Forsendur samnings og lagaheimildir

2.1. Framlag ráðuneytisins til samnings þessa ræðst af fjárveitingum sem eru ákveðnar á grundvelli fjárheimilda í fjárlögum hvers árs og er fjárveitingin 2 m.kr. árið 2016. Gert er ráð fyrir sömu upphæð fyrir árin 2017 og 2018.

2.2. Ráðuneytið annast samskipti aðila vegna samningsins við fjármála- og efnahagsráðuneyti, sbr. 1. mgr. 21. gr. laga nr. 123/2015 um opinber fjármál, og við Alþingi. Það mun leggja til við fjárlagagerð að árlegt framlag til samningsins út samningstímamann verði í samræmi við gr. 2.1 með fyrirvara um að hátíðin standi við skuldbindingar sínar. Framlög ríkisins skv. samningnum eru með fyrirvara um fjárheimildir til málefnasviðs 18 Menning og listir í fjármálaáætlun og fjárlögum og aðhaldsaðgerða sem stjórnvöld kunna að ákveða í kjölfar samþykktar fjárlaga.

Samtök um danshús á ekki kröfu á ríkissjóð eða rétt á bótum þótt framlag til samningsins verði lækkað eða fellt niður.

- 2.3. Samtök um danshús starfar samkvæmt lögum sem að samþykkt voru á stofnfundi félagsins 12. ágúst 2010.
- 2.4. Samtökin starfa í samræmi við lög og reglugerðir sem gilda um umsamda starfsemi og verkefni, en einnig, eftir því sem við á eftir lögum og reglugerðum um rekstur aðila sem kostaðir eru að verulegu eða öllu leyti af framlögum ríkisins.

3. Ábyrgð

- 3.1. Samtök um danshús ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. Samtök um danshús skal geta lagt fram gögn og skýrslur þessu til staðfestingar, sé eftir því leitað.
- 3.2. Samtökin bera ábyrgð á skuldbindingum sem þau eða aðilar á þeirra vegum stofna til í tengslum við samning þennan.
- 3.3. Samtök um danshús er óheimilt að:
 - 3.3.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
 - 3.3.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

4. Upplýsingar, samskipti og eftirlit vegna fjármála

- 4.1. Ráðuneytið greiðir árlegt framlag í fjórum jöfnum greiðslum, 1. febrúar, 1. apríl, 1. júlí og 1. september. Greitt er inn á bankareikning í viðskiptabankasamtakanna.
- 4.2. Samtök um danshús skilar ráðuneytinu:
 - 4.2.1. Áætlun um rekstur og efnahag ásamt starfsáætlun, þar sem fram komi m.a. hvernig er áætlað að ráðstafa framlaginu og helstu starfsmarkmið sem unnið verður að, fyrir lok janúar ár hvert.
 - 4.2.2. Endurskoðuðum ársreikningi ársins á undan með skýringum, fyrir lok júní ár hvert og skal afrit jafnframt sent Ríkisendurskoðun.
- 4.3. Eigi samtök um danshús í viðskiptum við lögaðila sem þau eiga eignarhluta í eða er í eigu fjárhagslegra tengdra aðila svo sem stjórnenda hennar, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

5. Upplýsingar, samskipti og eftirlit vegna verkefna

- 5.1. Ráðuneytið hefur eftirlit með framkvæmd samningsins.
- 5.2. Fulltrúar ráðuneytis og samtök um danshús funda að lágmarki árlega um samninginn.
- 5.3. Fyrir lok júní ár hvert skilar samtök um danshúsráðuneytinu greinargerð um framkvæmd samningsins þar sem fram komi meðal annars hver staða verkefna er og hvernig framlagi var ráðstafað í samanburði við áætlun.
- 5.4. Samtök um danshús skilar ráðuneytinu upplýsingum sem það kallar eftir vegna opinberrar upplýsingagjafar.
- 5.5. Samtök um danshús veitir ráðuneytinu upplýsingar sem það kallar eftir vegna eftirlits með framkvæmd samningsins. Ráðuneytið hefur heimild til að gera sjálft eða fela öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta.

- 5.6. Samning þennan, ársreikning hátíðarinnar greinargerð um framkvæmd samnings og úttektarskýrslur skal birta á vef hátíðarinnar jafnóðum og þessi gögn liggja fyrir. Ráðuneytinu er heimilt að birta gögnin á vef sínum.
- 5.7. Samtök um danshús setur á vefsíðu sína ýmis gögn sem eru efnislegar afurðir starfsemi hennar, svo sem skýrslur, leiðbeiningar og áætlanir.


6. Vanefndir og meðferð ágreinings

- 6.1. Samtök um danshús tilkynnir ráðuneytinu tafarlaust ef talinn er vafi leika á að það geti uppfyllt skyldur samkvæmt samningnum. Jafnframt er greint frá úrræðum sem hún hyggst grípa til.
- 6.2. Ráðuneytinu er heimilt að draga úr greiðslum, stöðva greiðslur og endurkrefja um greiðslur uppfylli hátíðin ekki skyldur sínar samkvæmt samningi þessum.
- 6.3. Samningsaðilar munu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.

7. Gildistími og lok samnings

- 7.1. Samningurinn gildir fyrir árið 2016 og til 31. desember 2018.
- 7.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.
- 7.3. Óski annar hvor aðila eftir að segja samningnum upp skal það gert skriflega með þriggja mánaða fyrirvara
- 7.4. Samningur þessi er gerður í tveimur samhljóða eintökum og heldur hvor aðili eintaki.

Reykjavík 22. desember 2016


F.h. mennta- og menningarmálaráðuneytis


F.h. Samtök um danshús